

# FILEMÓN

---

<sup>1</sup>Pablojon xñujp'elon i cha'an Jesucristo, quic'ot la quermano Timoteo. Mic ts'ijbubeñet ili jun Filemón, c'uxbibilet bλ c pi'λl lojon ti e'tel, <sup>2</sup>yic'ot ja'el c'uxbibil bλ la quermana Apia yic'ot Arquipo, tem soldado quic'ot lojon, yic'ot jini xñopt'añob mu' bλ i tempañob i bλ ti a wotot. <sup>3</sup>La' aq'uentiquetla i yutslal yic'ot i ñach'talal la' pusic'al ch'oyol bλ ti Dios lac Tat yic'ot lac Yum Jesucristo.

## Filemón mi' c'uxbin lac Yum

<sup>4</sup>Ti pejtelel ora mic suben c Dios wocolix i yalλ che' mic ña'tañet ti oración. <sup>5</sup>Come tsa'ix cubi uts'at wola' ñop lac Yum Jesús yic'ot pejtelel i cha'año' bλ Dios. <sup>6</sup>La' i coltañet Dios ti' subol jini woli bλ lac ñop cha'an mi' tajob i cuxtalal yaño' bλ ja'el che' mi' cañob pejtelel chuqui wen am bλ ti lac pusic'al cha'an Cristo Jesús. <sup>7</sup>Wen tijicñayon lojon, hermano, come wen a wujil c'uxbiya. Tsa' ñuq'uesλbeyon lojon c pusic'al che' bajche' tsa' ñuq'uesλbeyob i pusic'al i cha'año' bλ Dios.

## Wocol t'an cha'an Onésimo

<sup>8</sup>Ti Cristo mi mejlel c subeñet ti mandar bajche' yom ma' mel. <sup>9</sup>Pero

c'ux mi cubiñet, jini cha'an mij c'ajtibeñet ti wocol t'an. Pablojon, ñoxonix, xñujp'elon i cha'an Jesucristo. <sup>10</sup>Mij c'ajtibeñet ti wocol t'an, pλyλ ochel Onésimo, calobil ti jini wen t'an tsa' bλ j cantesa ti maljquibal. <sup>11</sup>Ti yambλ ora ma'anic i c'λjnibal a cha'an. Wale anix i c'λjnibal cha'añet yic'ot cha'año. <sup>12</sup>Wolix c cha' chocbeñet tilel. Pλyλ ochel che' jini che' bajche' ma' pλyon.

<sup>13</sup>Tsac ña'ta uts'at mi' cλytlal quic'ot cha'an mi' coltaño ti a wenta che' wλ' ñup'ulon cha'an jini wen t'an. <sup>14</sup>Pero ma'anic chuqui com c mel jinto ma' subeñon bajche' yom a pusic'al, come mach comic c xic'beñet cha'an ma' coltaño. <sup>15</sup>Tic'al mi tsi' poj cλyayet Onésimo cha'an ma' junyajlel pλy ochel ti pejtelel ora. <sup>16</sup>Mach jinic jach a winic wale pero ñumen an i c'λjnibal, come c'uxbibil bλ hermanojix ti Cristo. Mic wen c'uxbin, pero ñumen yom ma' c'uxbin jatet come a waj e'telach. A wermanojix ti lac Yum ja'el.

<sup>17</sup>Mi a pi'λlon ma' wal, pλyλ che' bajche' ma' pλyon. <sup>18</sup>Mi an chuqui tsi' mele ti a contra, mi an i bet a wic'ot, ac'λ tic wenta. <sup>19</sup>Joñon,

Pablo, wolic ts'ijban tij c'Ab, mi caj c tojbeñet anquese wen a wujil an a bet quic'ot come tsa' ñopo Cristo tic tojlel. <sup>20</sup>Hermano, pasbeñon i yutslel a pusic'al ti lac Yum. Ñuq'uesabeñon c pusic'al ti Cristo.

<sup>21</sup>Mic ts'ijbubeñet ili jun come cujil mi caj a jac'beñon. Cujil ñumen mi caj a mel bajche' mic subeñet. <sup>22</sup>Yom ja'el ma'

chajpabeñon cajñib ba' mic jijlel. Come mi cAl Dios mi caj i jac'beñetla la' woración cha'an mic cha' tilel.

<sup>23</sup>Mi' yaq'ueñet cortesía Epafras c pi'Al ti majquel cha'an Cristo Jesús.

<sup>24</sup>Che' ja'el Marcos yic'ot Aristarco yic'ot Demas yic'ot Lucas, c pi'llob ti e'tel. <sup>25</sup>La' ajnic ti la' pusic'al i yutslel i pusic'al lac Yum Jesucristo.